

頓上音擊下音闍苦本

根本說一切有部毗奈耶卷第三十 而十

唐三藏法師義淨奉 制譯

故放身坐卧脫脚牀學處第十八  
尔時薄伽梵在室羅伐城逝多林給孤獨園  
時具壽鄔波難陀至彼衆多少年苾芻處勸  
喻曰汝等共我人間遊行必當降伏他宗自

獲名稱汝等若欲讀誦禪思及以衣食病緣  
所須皆令無闕時諸少年雖聞此勸共知鄔  
波難陀稟性惡行不堪共居竟無一人許共  
同去時有乞食苾芻聞其覓伴遂告鄔波難  
陀曰我共大德人間遊行有同行人報乞食  
者曰此鄔波難陀爲人惡行汝今隨去必遭

惱觸遂報同梵行者曰我滿十夏不依止他  
亦不就彼求受學業彼於我處欲何所爲知  
識報曰不相用語後自當知不受勸言遂與  
同去出至界外時鄔波難陀報云乞食者汝  
可爲我擎持衣袋吾年衰朽且宜相助乞食  
者荅曰大德豈可不見佛法僧寶勝妙福田

持以奉施而多畜此生惱物耶報乞食者曰  
我遣擎物汝不肯持亦未乖理然汝非我二  
師輒相訶責斯豈合耶時鄔波難陀便作是  
念此乞食者未須與語且忍共去後自當知  
遂漸遊行至一聚落即於林外詣井池邊俱  
共憩息村中有寺打犍椎聲時乞食者既聞  
聲已報言大德寺鳴犍椎我欲往看報言具  
壽此乃多是黑鉢之類嬾修善品鳴椎集僧  
別有作務我等既疲道路誰能共彼執作乞  
食者曰或是分利犍椎我既及界理合得之  
鄔波難陀曰汝宜可去若是分利犍椎者亦  
取我分荅云如是遂至寺中問知乃是分卧

具捷推主人苾芻報云阿瑜率漫宜受卧具  
 報言我有大者亦為受不問彼是誰報云是  
 大德鄔波難陀答曰彼人眾所識知亦為取  
 分即便兩人卧具皆悉受之時鄔波難陀在  
 於井處廣問諸人兼為說法具如前說諸人  
 既散時景將曛便入寺中高聲大喚彼乞食  
 者在閣下房閉戶而卧聞喚聲已報言大德  
 何為高聲我於上房已為敷置眠卧之具及  
 洗足物並在一邊就彼應卧報言乞食者可  
 為開房欲有商度彼作是念若容入房乃至  
 天明言未能了我今宜卧不與開門報言大  
 德我行疲極無暇商量設有平章待至天曉  
 而十 二 元得

或容更打即默尔而住至天曉已便往就別  
 報言大德我今欲去問曰汝欲何之答曰向  
 室羅伐城報云且住我當給汝病藥所須答  
 言大德我本無病故破我頭設更有疾豈能  
 瞻養說是語已捨之而去還逝多林時同梵  
 行者見唱善來問安樂不報言被打頭破何  
 有安樂具以緣告時諸苾芻聞是事已共生  
 嫌賤云何苾芻在上棚卧知脫脚牀放身而  
 坐令牀脚脫打破他頭以此因緣具白世尊  
 世尊集眾問鄔波難陀曰實作如是惱亂事  
 不白言實尔世尊種種訶責廣說乃至為諸  
 苾芻制其學處應如是說

若復苾芻於僧住處知重房棚上脫脚牀及  
 餘坐物放身坐卧者波逸底迦若復苾芻者  
 謂鄔波難陀餘義如上僧住處者亦如上知  
 者或時自作或被他人教重房者謂居重閣危  
 朽棚上脫脚牀者謂此牀脚不連上蓋及餘  
 諸座放身坐卧者謂極縱身或坐或卧故令  
 而十 三 卷

脚出傷損他人波逸底迦者廣釋如上此中犯相其事云何若苾芻知僧房舍有脫脚牀縱身坐卧欲惱他者皆得墮罪若是板棚或是甄地或脚以板支或時仰著此皆無犯又無犯者謂最初犯人或癡狂心亂痛惱所纏用蟲水學處第十九

佛在憍閃毗瞿師羅園尔時具壽闍陀以有蟲水澆草土牛糞等諸苾芻見告云具壽闍陀勿以有蟲水澆草土牛糞等闍陀報曰豈諸生命我喚將來豈復有人數以相付豈可欲去我不聽行四海寬長因何不去江河池沼盎甕瓶瓠何不走入諸有少欲苾芻聞是語已共生嫌賤云何苾芻以有蟲水將澆草等自作使人不顧生命時諸苾芻以緣白佛佛以此緣集諸苾芻問闍陀曰汝實用蟲水及以教人澆草等耶實尔大德世尊以種種訶責非出家人所應作事讚歎少欲尊重戒者廣說如前乃至制其學處應如是說

若復苾芻知水有蟲自澆草土若和牛糞及教人澆者波逸底迦若復苾芻者謂是闍陀餘義如上知者或自知或他告語水謂井池等水蟲有二種一為眼所見二為羅所得若自用若使他澆草澆土若和牛糞等者得波逸底迦義如上說此中犯相其事云何若苾

芻於有蟲水作有蟲想若自用若教人用澆草等得波逸底迦疑亦如是若水無蟲作有蟲想用時得惡作罪疑亦如是若苾芻河池水處多有蟲魚苾芻殺心使去其水隨有蟲魚命斷之時皆得墮罪若不死者皆得惡作若於此水處堰之令斷於其下畔隨蟲命斷或時不死得罪同前若無殺心者無犯又無犯者謂最初犯人或癡狂心亂痛惱所纏造大寺過限學處第二十

佛在憍閃毗瞿師羅園尔時六眾苾芻每於他寺生輕賤心作如是語此寺崩隕猶如客舍象馬之廐諸苾芻聞已告言具壽仁等於

而十

四

五

他住處得便居止而自不能安一基石依他處所強作譏嫌六衆聞已時難陀鄔波難陀共相告曰我等常被諸黑鉢類之所欺輕云汝恒居他寺自無居止乃至一石不能安置我等今應共造一寺令諸黑鉢曾所未覩于時難陀告鄔波難陀曰若我六人皆營作者諸餘黑鉢得我取豐作如是說六衆苾芻不修善品悉皆營作我等所有施食之家勸令心變我等宜應於六人內揀取一人識性聰敏善解說法能令細針引入鹿杖我等六人誰能如是鄔波難陀曰具壽闍陀衆所識知辯才無礙能作如是針杖相隨阿說迦曰若如是者應可詳去共請其人勸為授事即便詳去告闍陀曰具壽當知我等常被諸黑鉢者之所欺弄而云我輩恒居他寺多生譏耻乃至不能自安一石今應共造一寺令諸黑鉢曾未見聞我等共營恐招譏議云往時六衆今作傭人具陳可不共請之曰大德仁可

發勇猛志作授事人為諸僧伽造一住處報云善哉既是勝田我當為作于時闍陀受衆勸已即便洗足入己房中結跏而坐通宵不寐作如是念以何方便我為僧伽能建大寺復更思惟今此世間人天諸衆於世尊所普生敬信彼某甲家於馬勝所偏生敬信彼家於吠陀羅所彼家於婆澁波所彼家於大名所彼家於滿慈所彼家於無垢所彼家於牛王所彼家於舍利子所彼家於大目連所如是及餘諸大苾芻皆有施主別生敬信我既無別施主當憑告誰而能造寺時此城中有一長者大富多財稟性慳悋乃至滌器濁水亦不惠人若能化彼令生信敬可為僧伽造成大寺是時闍陀至天明已著衣持鉢入憍閃毗而行乞食先於餘家乞得麩已便詣彼長者家欲入其舍時守門者告言聖者此是大長者家無宜輒入闍陀報曰如佛世尊乞食之人但遮五處一唱令家二姪女家三酤

酒家四旃茶羅家五王家豈可此家是前五種時守門人報言聖者大為譏弄此非唱令乃至王家然是某甲長者之宅仁不須入是時闍陀便作是念求執衣裾尚不聽近欲求餘物其可得乎于時有一長者新誕孩兒為大歡慶奏諸鼓樂多將舞者在門前過彼守

門者貪觀伎樂便離其門是時闍陀即便竊入時彼具壽威儀庠序如離欲人長者遙見告曰善來大德闍陀宜於此坐暫時居止而言談由緒未得其便告長者曰我已巡門乞得片麩仁可為羅長者告婢可為羅麩其婢為羅是時闍陀觀所羅麩長者問曰仁何所

觀闍陀告曰我欲觀蟲若有蟲者我不應食長者報曰若食蟲者當有何過報曰如世尊言若殺生者由數習故身壞命終墮於地獄餓鬼傍生受諸苦惱設生人中短命多病然闍陀苾芻妙閑三藏得無礙辯善識時宜應機說法即為長者宣說法要讚修十善毀行

十惡時彼長者既聞法已心生敬信即便入舍令辦種種上妙飲食并諸異味盛滿槃器持來供奉闍陀見已即便生念我聞木釜一煮便休若受此施即為前食亦為後供而告之曰施主我已受得他所施麩豈容見棄敢美食耶長者曰我等俗法先得鹿食後逢美

而十

六

苾

妙棄前惡食實無憊咎闍陀報曰長者俗人無戒隨意所為我受戒品豈得同彼受他信施輒輕棄耶是時長者聞此語已倍生深信闍陀即便見辭而去長者告曰大德於時時間賜過我舍即便報曰我實欲得數數相過而守門人猶如暴惡琰摩獄卒不聽前進于時長者喚守門人告云汝見聖者闍陀入時不應遮止荅曰依教是時闍陀便即思念若更有餘黑鉢者入不識機宜令其失信我今宜可預設方便不令其入報守門者曰咄男子汝今知不此家長者我以大緣令其敬信門人報曰我已知之告云汝從今後勿令諸

餘黑鉢之輩輒入此門若放入者我令長者與汝重杖替以別人彼便報曰仁入此門非我所欲豈令餘者而輒進耶請勿為慮是時闍陀於時時間來詣其舍為長者夫婦宣揚妙法令受三歸持五學趣時長者報曰聖者若於資緣有所須者於我家中隨意當取請勿為外干時闍陀雖聞此告一無所受後於異時來過其宅為彼長者讚說七種有事福業長者聞說福利深生歡喜白闍陀曰聖者我今欲修有事福業答言賢首今正是時隨意當作長者曰欲作何事闍陀報曰可為眾僧營造住處長者便念我已屢將家資奉施

而十

七

闍陀相隨向寺入大眾中禮僧足已敬白大眾此聖者闍陀樂為眾僧興造住處我為施主幸願僧伽慈悲聽許差作授事人介時舍利子為眾上座見長者請便作是念此六眾輩比不被差常惱僧眾况今差遣相惱不疑報言具壽闍陀我昔營造逝多園林誰復差我具壽大准陀造此瞿師羅園亦是誰差作汝若欲為眾僧造住處者當自檢校何待眾老闍陀聞已便作是念黑鉢之徒不欲見我何況差許為授事人眾既不差便共長者俱時起去詣長者家多取錢物往作執人處告云賢首汝等豈能於一日中以成熟甄造三層寺一百口房不甄匠答曰若多與錢物眾人共為此應可辦即隨索多少給與其錢次向壘甄匠處告云賢首汝等豈能於一日中剗削熟甄造三層寺不次向木匠處告云賢首汝等豈能於一日中揔集諸木造三層寺不次向泥匠及畫工處各隨所作問答同前

次復多覓傭力之人將入寺中併功相助造  
三層寺一日便成然造寺時下無水竇上無  
泄渠戶中窻牖皆不安置無疎通處形若方  
篇但有小門纔通出入營造既訖便往至彼  
長者之家報云長者造寺已成應為慶讚長  
者荅曰今時不辦明日當作

尔時世尊便作是念六衆闡陀所造之寺於  
後夜分必定崩墮若我及僧衆不為受用所  
造寺者彼之施主見寺崩壞生大懊惱必歐  
熱血而取命終世尊告阿難陀曰汝今宜於  
瞿師羅園諸苾芻處而告之曰汝諸苾芻我  
每為說密修善行發露衆罪汝等若有獲得

而十

八

勝定當以定力於初夜分往詣闡陀所造寺  
中各修善品時阿難陀奉佛教已告諸苾芻  
曰諸具壽世尊有教我每為說密修善行發  
露衆罪汝等若有獲得勝定當以定力於初  
夜分往詣闡陀所造寺中各修善品時諸苾  
芻聞是語已得勝定者如佛所教往彼寺中

隨修善品世尊便於半夜亦往寺中起世俗  
心諸佛常法若起世俗心者帝釋諸天悉皆  
知意是時帝釋諸天來詣佛所禮佛足已在  
一面坐佛為宣說諸法無常禮佛足已忽然  
不現時諸苾芻與佛俱去至後夜時四面雲  
起風驚雷震便下大雨滿彼寺中形如大篇

水無出處其水浸漬寺便崩倒至天明已六  
衆聞之搃生惶怖悉皆逃走時彼施主即於  
是日車載種種上妙飲食來詣寺所欲伸慶  
讚問苾芻曰我所造寺何者是耶有一苾芻  
晚暮出家與彼六衆先有瑕隙報長者曰此  
是汝等猶如駱駝蹲伏崩倒汝須存意入已

寺中勿令門額觸汝頭髮長者見已作如是  
念我捨珍財其數無量未曾受用遂見崩墮  
即便懊惱悶絕于地時諸親族以冷水灑面  
得少蘇息世尊尔時命具壽阿難陀曰汝今  
宜往告彼長者曰多有施主奉為如來造立  
房舍然佛世尊竟不受用於彼施主福亦隨

而十

九

生何況汝寺於初夜時有耆宿德行苾芻皆入受用於後夜分世尊自往及帝釋諸天皆來雲集入汝寺中共爲受用宜說妙法汝之福利無量無邊當須歡喜勿爲憂悒時阿難陀奉佛教已詣長者所具以佛語告之長者聞已白阿難曰大德世尊大悲入我寺中爲受用耶阿難陀曰已爲受用長者曰大德若佛世尊入我寺中已爲受用者我能日日奉爲世尊造斯住處亦時長者問諸人曰我善知識六衆苾芻今在何處六衆傳聞長者見問皆疾來至到長者所長者即便請其食已便以新氈人奉一張苾芻所須資具之物隨意供給時諸苾芻見是事已報六衆曰仁等能爲長者造立大寺實是牢固六衆答曰汝何見譏我等六人能令長者深生敬信雖復損失財物然於我等敬信彌隆供以上餐人奉一氈沙門資具隨意當給其少欲苾芻聞是語已共生嫌賤云何六衆苾芻於所作事

理應羞耻反更自高時諸苾芻即以此緣具白世尊世尊集僧告六衆曰汝等實作如是不端嚴事耶六衆白言實亦大德世尊以種種訶責廣說如前乃至爲諸苾芻制其學處應如是說

若復苾芻作大住處於門樞邊應安橫居及諸窻牖并安水竇若起牆時是濕泥者應二三重齊橫居處若過者波逸底迦

若復苾芻者謂是六衆大者有二種一施物大二形量大此謂形量大言住處者謂於其中得爲行住坐卧四威儀事作者或自作或使人於門樞邊應安橫居及窻牖水竇若起牆時是濕泥者始從治地築基創起牆壁是濕泥者應二三重布其模塹若過者得波逸底迦釋義如上此中犯相其事云何若苾芻爲僧造大寺用濕泥塹及曳泥模過二三重作者皆得墮罪若是熟塹及以石木或可施主欲得疾成雖過重數並皆無犯又無犯



者謂最初犯人或癡狂心亂痛惱所纏時諸  
苾芻咸皆有疑請世尊曰具壽闍陀求僧差  
作授事人時有何因故尊者舍利子方便遮  
止而不聽作佛告諸苾芻此舍利子非但今  
日以善方便遮止闍陀乃往古昔亦曾遮止  
汝等應聽於過去世雪山之中極深險處有  
大群鳥依止而任中有鳥王共相統領因遭  
疾病遂致命終時諸群鳥既無其主更互相  
欺為不饒益時諸群鳥共集一處而相告曰  
我等無主不可久存欲覓鳥王同為灌頂共  
相領立我於何處當可得耶去斯不遠有老  
鵞鷓衆皆議曰此鳥耆宿堪可為主我等若  
扶必有弘益去此非遠有一鸚鵡稟性聰慧  
善識機宜我等共問扶鵞鷓為主是事可不  
即共往詣鸚鵡之處問言欲立鵞鷓為主是  
事可不干時鸚鵡觀鵞鷓面而說頌曰  
我不愛鵞鷓 以為衆鳥主 不瞋面如此  
瞋發欲如何

時諸群鳥聞此說已不立為主便立鸚鵡以  
為其主汝諸苾芻勿生異念往時鸚鵡即舍  
舍利子是老鵞鷓者即闍陀是昔扶為主方便  
遮止今差授事亦方便不聽又無犯者謂最  
初犯人或癡狂心亂痛惱所纏

第三攝頌曰

而十

不差至日沒 為食二種衣 同路及乘船

土

二屏教化食

衆不差教授苾芻尼學處第二十一

內中攝頌曰

佛令難鐸迦 教誡苾芻尼 為說甚深經

皆證阿羅漢

爾時佛在室羅伐城逝多林給孤獨園佛於  
此處為夏安居與五千苾芻俱有耆宿苾芻  
尼亦在此王園寺而作安居所謂准陀苾芻  
尼民陀苾芻尼末臘婆苾芻尼大衣苾芻尼  
善行苾芻尼曠野苾芻尼明月苾芻尼安隱  
苾芻尼少力苾芻尼憍荅彌蓮華色大世主

苾芻尼等大聲聞尼咸於此住時大世主苾芻尼與五百苾芻尼以為侍從往詣佛所禮佛足已在一面坐尔時世尊為大世主等宣說法要示教利喜令歡慶已告言大世主時至可去時大世主聞佛說法頂戴受持禮佛足已即便出去尔時世尊見大世主出去之後告諸苾芻曰汝等應知我今年衰老朽氣力羸憊不復更能為諸四眾苾芻苾芻尼耶波索迦耶波私迦宣說法要汝等從今已去耆宿苾芻應為次第教授苾芻尼時諸苾芻聞佛教已即依次第而為教授時具壽難鐸迦次當教授而不願去教授諸尼時大世主苾芻尼復與五百苾芻尼往詣佛所廣說如前乃至禮佛出去

佛見大世主出去之後告阿難陀曰今當次誰教授尼眾阿難陀曰比來皆是耆宿苾芻更次教授今至具壽難鐸迦而情不樂欲教授尼眾時難鐸迦亦在佛邊眾內而住尔時

佛告難鐸迦曰汝當教授苾芻尼應為諸尼宣說法要何以故難鐸迦我當隨力教授苾芻尼汝亦教授苾芻尼我為諸尼宣說法要汝亦如是宣說法要由此緣故令彼諸尼眾得大利益有大光暉能廣增長獲究竟處汝不應辭教彼尼眾時難鐸迦蒙佛教已默然而受時具壽難鐸迦過於夜分至天曉已於日初分著衣持鉢入室羅伐城次第乞食既得食已還至本處飯食訖收衣鉢嚼齒木洗足已旋入房中宴默而住

時難鐸迦於晡後時從定而起著僧伽胝將一苾芻以為後從向王園寺欲教授苾芻尼既至彼已時諸尼眾遙見難鐸迦來白言善來大德即為敷座請其安坐時諸苾芻尼禮難鐸迦足已於一面坐時難鐸迦告諸苾芻尼曰我今為諸姊妹說問答法門汝等善聽若解者言解若不解者言不解於義善解如理修行於義不決當可覆問大德此言之義

我未能解諸苾芻尼聞是教已白難鐸迦曰  
大德我蒙善教深生希有慶悅無已如是大  
德善教我等我等咸皆隨所教事而為問答  
順理修行時具壽難鐸迦告諸尼曰姊妹汝  
知內眼處有我我所不諸尼答言大德我不  
見有又問曰姊妹如眼既尔乃至耳鼻舌身

意內處有我我所不答言大德我不見有何  
以故大德我等順修正行實作此解以正慧  
見觀內六處實無有我心生信解了無我故  
時難鐸迦報諸尼曰善哉姊妹善能解了言  
所詮義此內六處無我我所如是應知又於  
外色處有我我所不諸尼答言大德我不見

而十

十三

有又問曰姊妹如色既尔乃至聲香味觸法  
外處有我我所不答言大德我不見有何以  
故大德我等順修正行實作此解以正慧見  
觀外六處實無有我心生信解了無我故時  
難鐸迦報諸尼曰善哉姊妹善能解了言所  
詮義此外六處無我我所如是應知復次姊

妹眼色為緣能生眼識此之識性有我我所  
不大德無有如是乃至意法為緣能生意識  
此等識性有我我所不答言無有何以故如  
上廣說乃至如是應知復次姊妹眼色為緣  
能生眼識由此三和能生於觸此觸有我我  
所不乃至意法識三能生於觸此觸有我我

所不答言無有何以故如上廣說乃至如是  
應知復次姊妹此眼色識三和生觸能生於  
受此受有我我所不乃至後三因觸生受此  
受有我我所不答言無有何以故如上廣說  
乃至如是應知復次姊妹此眼色識三和生  
觸此觸生受此受生愛此愛有我我所不乃

至後三之愛有我我所不答言無有何以故  
如上廣說乃至如是應知

復次姊妹譬如因器油炷及火方有燄生姊  
妹如燄無常乃至火炷油器皆亦無常姊妹  
若復有人作如是說器油炷火雖是無常然  
依此等所生之燄定是堅固不可變壞常住

之法如是說時可說此人為實語不答言大德斯非實語何以故此器油等皆無常故所生之燄豈得是常姊妹如是內六處無常若復有人作如是說此內六處雖是無常然依此等所生喜樂定是堅固不可變壞常住之法如是說時可說此人為實語不答言大德

斯非實語何以故乃至廣說大德我等順修正行實作此解以正慧見觀內六處皆是無常心生信解由彼彼法生故此法生彼彼法滅故此法滅終能獲得寂靜清涼解脫之處難鐸迦報諸尼曰善哉善哉姊妹若能解了言所詮義心生信解了是無常由彼彼

而十

十四

法生故此法生彼彼法滅故此法滅終能獲得寂靜清涼解脫之處復次姊妹譬如大樹根莖內外枝葉華菓貞實具足此之大樹根是無常乃至華葉皆亦無常若復有人作如是說此樹根等皆悉無常然而樹影定是堅固不可變壞常住之法如是說時可說

此人為實語不答言大德斯非實語何以故此之大樹根莖枝葉乃至華菓皆悉無常若無根等所依之物能依之影皆不得有難鐸迦曰姊妹外之六處皆悉無常亦復如是若有人來作如是語外之六處皆是無常然而依此所生樂觸定是堅固不可變壞常住之

法如是說時可說此人為實語不答言大德斯非實語何以故廣說如前乃至終能獲得解脫之處

復次姊妹更說譬喻汝等應聽諸有智者以譬喻故能解其義如善屠牛人及諸弟子手執利刀斷其牛命方便剝外皮內肉皆不

傷損然於腹中肝肚腸胃細割斬截悉皆除棄重取其皮周徧蓋覆姊妹有人見時作如是語此牛與皮相連不別是有命牛可說此人是實語不答言大德斯非實語何以故此屠牛人及餘弟子手執利刀斷牛命時雖不損皮肉然於腹中肝肚腸胃割截除棄但重

而十

十五

取皮周徧蓋覆此肉與皮不相連著姊妹我舉此喻欲曉餘義如理應知所言牛者謂有色身塵重四大父母精血羯刺羅等聚集成就復以飲食共相資養假藉塗香及澡浴等終歸磨滅破壞消散言內肉者謂內六處言外皮者謂外六處腹中五藏者謂欲貪等言善屠牛人及餘弟子者謂是多聞利智聲聞弟子言利刀者謂智慧刀謂佛子心持慧劍斬彼相應繫縛煩惱及諸隨惑對治損壞悉皆除棄是故汝等了斯事已當勤修學勿爲放逸後生悔恨姊妹若於汝等情所染著愛樂之處當善防心染未斷故於可瞋境當善防心瞋未斷故於愚癡境當善防心由癡未斷故於四念住當善護心正觀而住修念住已於七菩提分法應善修習多爲修習於菩提分既修習多修習已於八支道正念成就能除欲漏除欲漏已有漏無明漏心當默捨生默捨故便得解脫得解脫已證解脫智見

即能了達我生已盡梵行已立所作已辦不受後有汝等姊妹如是應學  
爾時具壽難鐸迦爲諸尼衆示教利喜宣說法已從座而去既至明日時大世主與五百苾芻尼還至佛所如常威儀聽妙法已禮佛而去佛見大世主出去之後告諸苾芻曰汝等觀此難鐸迦爲彼五百苾芻尼正教正誠令得解脫而未證究竟若於今日而命終者我不見彼諸苾芻尼有一繫縛煩惱而不除斷由斯結惑爲羅絆故重來此世而更受生汝等苾芻譬如白月十四日月在空中人皆觀見咸悉有疑云此明月爲滿不滿然此明月不是圓滿由未究竟故如是難鐸迦苾芻爲彼五百苾芻尼正教正誠令得解脫而未證究竟若於今日而命終者我不見彼諸苾芻尼有一繫縛煩惱而不除斷由斯結惑爲羅絆故重來此世而更受生爾時世尊記彼五百苾芻尼得不還果已告難鐸迦曰汝當

而十

十六

教誡諸苾芻尼為說妙法令速出離何以故我及於汝教誡諸尼令其解脫時難鐸迦聞佛教已默然受教

時具壽難鐸迦至明日已於初分時著衣持鉢入大城中次第乞已還至本處飯食訖收衣鉢嚼齒木澡漱已於外洗足入房宴坐至

日晡時從定而起著僧伽胝將一苾芻以為

從者詣王園寺欲教授苾芻尼既至彼已時

諸尼眾遙見難鐸迦來白言善來大德即為

敷座請其安坐時諸苾芻尼禮難鐸迦足已

於一面坐時難鐸迦為諸尼眾宣說法要示

教利喜既說法已從座而去時大世王苾芻

尼將五百尼眾往世尊所禮足已廣說如前

乃至禮佛而去今時世尊尼眾去後告諸苾

芻曰汝等觀此難鐸迦苾芻已正教誡五百

苾芻尼悉令解脫得究竟處不是諸尼眾若

於今日而命終者我不見彼一人於生死路

而重遊履故於今時盡諸苦際汝等苾芻譬

如白月至十五日處處空中人皆覩見無復

生疑云此明月為滿不滿然此明月是極圓

滿由究竟故如是難鐸迦苾芻為彼五百苾

芻尼正教誡正誠令得解脫入究竟處若於今

日而命終者流轉路絕不復受生今時世尊

記五百苾芻尼得阿羅漢果已諸苾芻眾聞

佛所說歡喜信受

七末

根本說一切有部毗奈耶卷第三十

而十

阿瑜下音逾 曛許云反 商度下徒各反 暇音夏 棚被耕反 益

瓮上浪反 堰於建反 墮徒田反 廐音救 瑕音霞 塵上音下

許近 滌徒反 衣裾下音居 誕孩上音但 緒下音序

琰以染反 壘倫水反 剗上初反 約思約反 竇音豆 泄音薛 箒

市綠 漬在智反 駱駝二字音 蹲音存 伏上音 刺郎達反

樞楚俱反 居徒店反 模擊上音 莫音胡 反音 鳩音休 鷓音留

末臘下音 羸憊下音 諗七全反 藉才夜反 羈

絆上音 居宜反 澡漱二字音 早瘦